

藝叢刊



藝叢通訊



藝叢
會

北美华夏画学会 美东中华诗友会

艺丛副刊

(三)

SI CHAO
STUDY

信箱 · 39 BOWERY BOX 101
NEW YORK, NY 10002 U.S.A.

Four Seas

ARTISTS AND POETS

藝
叢

海
外



蘇震書屋：S.C. HUANG

吳西通訊：W.H. SHIU

(212) 393-9692

(415) 391-9676

艺丛笔会编

艺 丛 副 刊 (三)

北美华夏画学会
美东中华诗友会 海内分会会刊

前 置

(一)

明窗敞流离，高炉煮香烟；左陈端溪砚，
右列薛涛笺；我手写我口，古岂能拘牵？
即今流俗语，我若登简编，五千年后人，
惊为古斓斑。

——黄遵宪《杂感》

(二)

给你这些诗也许他们偶然
抵达遥远后世的彼岸
象受到薰风恩惠的帆船
使来者在某个晚上梦想沉思
那追忆就象不确的传说
恰如古月琴般的滋味
以一串友善而神秘的音符
在那高傲的诗韵上悬留

——波德莱尔《给你这些诗》

诗 歌 专 栏

第 一 部 分

海外艺丛
副刊现代
诗画家作
品录组稿

(以姓氏笔划为序)

梦 江 南

·一心·

(一)

江南美，村落傍湖山，蓴菜鲈鱼何足贵？人情温暖里邻间。游子几时还！

(二)

江南月，有意拢轻云。人约黄昏香染袖，朦胧只见柳眉频。鱼鸟亦消魂。

(三)

江南梦，几度梦杭州。南宋衣冠成古迹，六桥依旧柳丝柔。何日再重游？

墨妙亭纪感

·丁芒·

金红乍染雾销轻，玉露初浸墨妙亭。壁上铮鏘飞剑气，
胸中磅礴起烟云。钟王虎视千秋愧，朱赵龙嘶百代瘖。
泥古何能推历史，青蓝之道在常新。

太湖晨望

·马成霖·

习习晨风隐隐山，半湖春水绿如蓝。远看浩渺连吴越，
几点渔舟意自闲。

龙门麟岛

·马斗全·

古殿孤亭榭几层，壁间龙虎各如生。廊回路转临风处，
时有檐铃三两声。

靖西鹅泉

·马 斯·

一注清泉出太荒，神鹅传说事茫茫。林幽路曲游踪渺，
水秀山奇入梦长。晚照依稀留古壁，江村已改旧时妆。
欲看鲤跃三重浪，且系渔舟倚柳旁。

重游江南

·马国庆·

(一)

江南名胜地，曾是旧游人。碧草连天远，
红花著雨新。回环山夹道，曲折水迷津。

纵目登高处，楼前万象春。

(二)

重来游旧地，唯我最关情。池水经社绿，
山岚望眼明。照人花迎面，留客雨初晴。
忽听声婉啭，原来是啼莺。

高 峰

·天楚·

诸公乍仰观，瘦骨谓嶙峋。着意破迷雾，
无端惧寒禽。峥嵘惊日月，苍老傲风云。
高峰谁与峙，影落大江阴。

桂 平 西 山

·王天楷·

绝顶登临未老翁，龙鳞松劲傲长空。乳泉似蜜迎佳客，
曲径如梯接彩虹。吏隐洞寻人隐迹，半山亭沐一山风。
郁黔水合潯江远，百汇奔流万古雄。

洞 庭

·王得一·

洞庭衡岳豁胸眸，山水清音送旧愁。闻道吟坛飞白雪，
乡心遥寄古潭州。

归 里

·孔 壖·

微雨新晴淡碧霞，陌头杨柳绿婆娑。闲云有意仍归岫，
野花无名自着花。乱后家山浑入梦，别来乡国又停车。

最怜一片横塘水，照见天边雁影斜。

调寄沁园春·茶山议政 ·甘 牛·

鸳水云山，塔笔龙泉，气象万千，看刺桐花发，紫荆争艳。
白杨吐翠，绿柳含烟，鸟鹊呼晴，流莺暗啖，试比情怀谁最
欢。茶山上，有雄鹰展翼，飞舞蓝天。 春潮荡漾林间。
正悦目开怀议事天。赞群贤荟萃，良谋迭出，激扬时务，宏
论深湛。海外英豪，诚心献策，共振山河锦上添。当前计，
须齐驱并辔，跃马挥鞭。

新 春 ·韦业莽·

禹甸春回处处同，桃红柳绿日融融。阳和散入城乡富，
暖到千家万户中。

选冠子·大明山 ·韦湘秋·

彩带纷披，野花招展，掇绿揜盖捏紫。烟縠峡谷，风透层
林，鼓起许多歌吹。翻弄几件春衫，含翠揣怀，题红联袂。
入胜通幽处，巅崖悬路，碧霄飘絮。 惊异变，伏虎潜
龙，盘鹰弋雁，蓦地洞天开泰。浮云捧日，飞练牵虹，身入
画图如寄。心挂人间乐园，陶醉登临，醇醪携未？下重峦叠
嶂，车满霞光浩气。

孤山四照亭 ·冯刚毅·

沿石登临未觉难，亭名四照枕孤山。振衣环望西湖水，

多少风光在此间？

放鹤亭怀古

·冯刚毅·

几历沧桑鹤化仙，梅花已老忆先贤。不知处士今何在？
湖上青山亦悄然。

偶 作

·叶元章·

鬓边华发渐多，最怕无风起波。多少旧时知己，
依然岁月蹉跎。

天边今日又重阳（轱辘体·五首选一）

·叶钟华·

乘风破浪任帆扬，一笑恩仇泯海量。鸟解嚶鸣花解语，
民图团结国图强。华堂扫榻迎归客，明月多情照故乡。
更喜稻花香千里，天边今日又重阳。

人 月 圆

·白 坚·

（一） 中秋诗会即席抒怀

江潮激荡心潮涌，壮岁等闲抛。几番冷雨，几多愁绪，终
透明朝。今宵欢会，诗家济济，锦句滔滔。淮南浪士，情同
月朗，意逐云高。

（二）

金陵卅载如烟逝，感慨对良宵。百篇文字，三函书稿，聊

献刍荛。举杯邀月，漫成诗赋，敢托风骚？从兹挥手，进探险峤，更历惊涛。

重建黄鹤楼感赋 · 白雉山·

杰阁重辉日，凭栏感万千。落梅成古韵，
玉笛谱新篇。大厦凌霄立，长虹隔水眠。
崔郎应搁笔，何况是青莲！

容县真武阁 · 邓雅明·

精工杰构在人间，纯木叠成艺不凡。四柱悬空诚妙技，
一杆着地确机玄。山摇地动仍依旧，雨骤风狂亦泰然。
绣水八峰添异彩，名闻海外壮南天。

沁园春·山中小憩 · 田继祖·

摄影清溪，写生幽谷，觅句峰巅。赏闲云野水，神松韵竹，
奇花异草、怪石飞泉。不是疏狂，亦非出世，生性由来爱自然。
浓荫裹、枕山花一束，抱石酣眠。 梦回聒耳鸣蝉，
远城廊怡然别有天。更蝶舞衫衣，鱼游桨翅，清风送爽，共
奏和弦。意惬心舒，相融物我，始信山中不计年。苍崖下、
结茅庵一个，不费文钱！

暮 春 · 田晖东·

细雨轻风润敝庐，犁开碧水种丹蕖。他年藕老如冰雪，
不负迢迢万里书。

咏羊城 · 林静中 ·

大江东去浪淘沙，珠海相逢鬓已华。四十年来同战垒，
相思渺渺各天涯。

南岳半山亭夜话 · 林从龙 ·

客中还作客，萍聚半山亭。地僻尘心净，
林深夜语清。论诗忘少长，涉世藐枯荣。
莫惧风波失，江湖浪已平。

梅花诗 · 刘隽甫 ·

敢冠群芳领队来，丹心自合向阳开。品高一任庸凡妬，
香远何妨蜂蝶猜。明月有情常弄影，春风作意欲为媒。
孤山隐士空相识，竹外清操与俗违。

牡丹吟 · 刘隽甫 ·

宜诗宜画任评量，建邺名园似洛阳。时际圣明多雨露，
天香国色倍芬芳。

京都即兴寄思超君 · 刘隽甫 ·

万顷河洋黄叔度，炎黄大义薄云天。我为江南酬上客，
京都即兴赠蛮笺。

高阳台（序略）

·刘海擎·

远客来时，重门启处，小厅骤起欢声。握手痴迷，话从何处先倾。可怜夜夜无凭梦，四十年牵系深情。幻和真，此际依然，两不分明。陶陶岂只重逢乐，更胸宽善笑，身健能行。故国河山，依然灿丽长青。问君可有心中愿？愿心中好树长生。愿故人一一相逢，永乐升平。

武汉长江大桥

·刘国瑞·

航梁腾雾横长虹，万古狂澜一旦通。六亿人民新作主，灵均不必麾蛟龙。

宾山

·刘流佳·

宾山峻秀了尘烟，道是西来意洞天。脱俗只缘冤断案，千秋应仰上人贤。

长沙

·华钟彦·

长沙诗会扶天章，正是秋风木叶黄。屈贾虽曾鸣楚汉，柳刘终是幸沅湘。情高人尽怍怍直，时隐诗多耿耿光。瞻望南云怀胜侣，长空一雁去衡阳。

隅成

·朱延辉·

小楼一角容高卧，十里洋场草木居。饲兔喂鸡消日月，

清风随意乱翻书。

中秋夜游

·许柏龄·

(一)

休笑书生已白头，豪情满怀荡轻舟。月光如小情如火，
却笑古人秉烛游。

(二)

风清月白晚凉秋，笑语欢声逐水流。两鬓霜华千里客，
相思隔海再登楼。

读苏曼殊燕子龕诗后

·许英磊·

飘落秋山一叶枫，如花如血两情融。读来似觉塵嚣静，
人海悠扬夜半钟。

游金山

·阮宗道·

大江东去浪滔天，无限风光胜似前。绿树青山齐竞秀，
丹枫黄菊共争妍。烟波浩渺鸥浮水，渔火苍茫鱼上船。
踏遍金山人未老，幽岩古洞访神仙。

春末游杭州

·任哲维·

信是江南春去迟，苏嘉路上雨霏霏。崇楼沃野车前踊，

碧树虹桥泽畔迷。南郭已无竿可滥，西湖常与梦相依。
以行重践湖山约，莫笑刘郎老更痴。

彦升呈黄思超君 ·任哲维·

彦升才力本无多。略解风骚鬓已皤。座冷樽空思北海。
山高月小念东坡。乱时曾作游仙梦。盛世须赓击壤歌。
故国葑菲蒙不弃。嚶鸣万里乐如何。

思佳客·游莲花山 ·任文媛·

嫩约清游兴未阑，寻幽探胜访莲山。楼层塔影苍云绕，玉洞
珠岩碧水弯。黄叶外，翠微间，雪鸿泥迹已如烟。归来
欲解相思结，无那秋潮挟梦还。

雪 莲 ·伍秉森·

松梅骨格可同看，高结风神压牡丹。不附荷池消炎热，
长开雪岭战严寒。凌空莫讶八方誉，济世还欣万众传。
应是东君怜冷艳，报春使汝耀冰山。

农 家 乐 ·孙家锁·

三月新春到，花开喜鹊闹。耕田浮萍水，
弯背插秧苗。春暖夕阳照，菜花映豆苗。
愿天无灾旱，丰收割早稻。四月荷花苞，
村女采莲腰。随意唱山歌，无意说郎好。

牛背吹短笛，岗上水边草。有情看姑娘，
真情间月老。

大观楼胜（录一） ·江民之·

万树梅花布衣前，科举荒唐事倒颠。赤壁赋为苏轼作，
大观楼与髯翁传。雄文已是千秋重，古道真堪一脉延。
弥勒荒原理骏骨，《滇南诗略》有遗篇。

玉林道中 ·汪民全·

雨洒前山云雾迷，蕉林硕果四垂低。流沙无赖随山转，
尽塞清溪不化泥。

八声甘州春节 ·佟绍弼·

咲斜风细雨欲难春。轻浅不成寒。正岁朝佳日。黄柑荐酒。
青韭堆盘。故俗民间节物。留取一分看。抚金花无恙依旧红
鲜。不恨今吾老去。恨故吾萧散。自失华年。剩满腔热血。
飞洒落诗篇。剧撩人。东风消息。趁物华。燕雀亦翻
翻。休惆怅。有余龄在。且恋青毡。

清平乐·朝阳洞看早朝 ·吴亚卿·

烟笼雾舞，蹀躞沙滩路。贯耳雷声疑欲雨，却是沧波吼怒。

攀登一线空峒，朝阳洞上天风。纵目惊涛骇浪，怡然浩
气填胸。

浪 淘 沙

·吴义方·

竹露夜生凉，闪烁星光，碧天如水雁成行，往事悠悠云过眼，梦影微茫。世事看沧桑，成败兴亡，东篱又见菊花黄，把酒临风谁与共，紫损愁肠。

再 访 青 城

·吴丈蜀·

期年两度访青城，万树离披一望青。喜听高枝传鸟唱，多逢断涧出泉鸣。缓循古道天宫近，偶触苍苔石藓凝。胜境无尘幽也甚，柴烟炭火不关情。

咏 蝴 蝶 花

·吴志祥·

蜀锦罗裁就，庄周梦化成。只知金翅美，不觉玉身荣。易湿非无雨，难飞是有情。何劳少女扑，悞使妾身惊！

感 怀

·吴国干·

曙光普照黄山川，秦岭何愁马不前。最是蓝关冰雪尽，熙和人瑞戴尧天。

苏 州 园 林

·苏以深·

——留园

东来漫道路三千，喜见岚光四月天。大块文章风雨历，

依然秀丽胜当年。

北 京 故 宫 吟 · 余文祥 ·
——御花园

玲珑剔透御花园，绛雪凝香更美观。收尽人间奇幻景，
风光无限胜江南。

谒 鲁 迅 墓 · 园稻林 ·

跃马前驱擎大纛，青睞白眼看春秋。相知何必曾相识，
万古轩辕碧血流。

中秋夜游梅园 · 沙寄萍 ·

客里中秋寂寞遇，风清月白夜如何。太湖养我胸中气，
吐出汪洋万顷波。

莫 愁 湖 · 沙元伟 ·

碧荷绿柳水漾漾，小榭回廊曲径通。咫尺芳魂何处觅？
莫愁湖上月如弓。

台 风 · 李炳芬 ·

声惊宇宙势如摧。雨箭云旋地若危。骇浪横堤吞海气，
高山泻石显天威。归帆息棹舟栏岸，客骑停鞭马止蹄。
万物凌空飞乱蝶，绿田梢影水迷迷。

读李商隐无题诗有感 · 李兴辉 ·

情多缘结结牢愁，最是行年伤旧游。破镜谁嵌逞匠意，
回纹曲折挽轻柔。却留隐恨伴无语，更著冬寒侵楚囚。
心系灵犀终一幻，果成风月债难酬。

折新荷 · 本意 · 李泽吾 ·

火伞才收，残暑暂去边城。秋影银塘，霓裳出水零星。娟娟
娥月，趁凉颺暗送芳馨。涉江人到，也应来赏娉婷。 水
落潮平，无复水腻花腥。讯到秋光，纵将接叶凋零。繁华误
去，看檀心一例清澄。年时旧事，风前如说轻轻。

怀 人 · 李国瑜 ·

锦里怀佳会，流年眷此宵。草堂徐梦影，
溪水泛新潮。蟾月几盈缺，青丝感暮朝。
别时一尊酒，栏外雨潇潇。

浣溪沙 · 李少竹 ·

今岁花朝气尚寒，春芳老眼雾中看，近游蹇步过南园。
在眼有名皆异卉，临流无意问清澜，明时佳日惯随缘。

黄河柳园渡口 · 李允久 ·

风情万种大河春，有酒东风更醉人；巧咀渔姑忙叫卖，